



TENE REMEDINAN BIEU SEPARÁ!

No tira remedinan ku bo no ta usa mas, afó sin mas. Si bo tira remedinan bieu den baki di sushi òf laga nan bai por ehèmpel den pòchi di w.c. òf labamano, esaki por tin konsekuensia dañino pa nos medio ambiente. Pues tene esakinan separá i entregá nan na botika.

Riesgo i medio ambiente:

Kisas bo tin remedi na kas ku bo no ta usa mas òf di kua e fecha di vensementu ya a pasa. Den e kaso aki, no tira nan huntu ku e sushi regular i no laga nan bai den pòchi di w.c. òf labamano. Tin dos motibu importante pa esaki.

- 1 Remedi por tin hopi diferente aparensia, por ehèmpel nan por ta den forma di píldora (pulchi), puiro, líkido i krema. Pero tur ta kontené materianan aktivo. Sierto di e materianan aki por ta dañino pa salú di hende. Pasó píldoranan parse mangel hopi, ta eksistí un riesgo adishonal pa muchanan chikí.
- 2 Finalmente tur nos sushinan ta tèrminá na landfill Lagun. Pero ku esaki ainda nan no a dispersé. Áwaseru por disolvé e materianan aktivo den remedinan tirá afó. Asina e ta drenta nos medio ambiente. I den nos suela òf awa di tera. I for di aki e ta sigui distribuí su mes ... Meskos ta konta pa remedi ku a bai den pòchi di w.c. òf labamano. Esaki tampoko no ta dispersé sin mas. Ni sikiera si nos trata e awa sushi den un instalashon pa purifiká awa.



Seguridat di medio ambiente:

P'esei ta mas mihó pa tene remedi bieu separá i entregá esaki na botika. Finalmente ta kima e remedi entregá, den un instalashon speshal, di un manera ku ta sigur pa medio ambiente. Esei ta mihó pa nos salú i salú di nos medio ambiente.



OPENBAAR LICHAAM
BONAIRE



Ban kuida Boneirul

FUNDASHON MARIADAL



E foyeto aki ta kontené un reprodukshon di e reglanan masha kòrtiku i liber. Na momentu di un disputa bo no por apelá riba e publikashon aki. Den un kaso asina semper konsultá e reglanan mes.